

Wien, Österreichische Nationalbibliothek (ÖNB), Cod. 742

Michael Denis: Codices Manuscripti Bibliothecae Palatinae Vindobonensis Latini Aliarumque Occidentis Linguarum. Vol. I. Pars I. Wien 1793.

653

P A T R I S T I C I .

654

sum est. L. II. initio abest *Constantine Imperator*, et legitur *coniunctis manibus pro convictis inanibus*. Cap. 9. nobis fol. 48. p. 2. non habetur interjectio illa *Arium redolens: Sicut mater sine exemplo genuit autorem suum &c.* neque post verba mox sequentia: *hoc opus mundi*, altera illa: *Fecit in principio bonum et malum &c.* Similiter ignorat *Codex longum illum excusum*, cuius initium: *Cur autem justus Deus talen voluerit esse &c.* quique inter verba *ad Deum deferat* et *Exodus igitur Deus in quibusdam Codd. inculcatus est.* L. IV. initio rurus *Constantini adpellationem defideres*, et sub finem Cap. ult. invenias *Arrianos reliquis Sectariis adnumeratos.* L. V. initium *αποστοφην ad Constantinum habet.* Eod. Cap. 1. nobis fol. 129. p. 2. deest in *Cod. illud: Mella sunt haec venenum tegentia.* Et paulo post illud: *Nec enim plus impuris spiritibus quam sancto licet.* Cap. 11. nobis fol. 140. legitur:

Domitius de officio proconsulis libro septimo. L. VI. initio Noster: cuius afferende atque illustrande causa michi et scientiam et fidem ipse dominus noster imposuit, quam lectionem neque *Bunemannus*, neque Editores nostri in suis *Codd.* reperisse videntur. L. VII. cap. 5. nobis fol. 190. post verba: *et cum deo semper*, omittitur tota illa oratio, quae insit: *Neque nunc aliquis eo configiat &c.* et statim orditur Cap. 6. *Nunc totam rationem &c.* Similiter cap. 26. nobis fol. 201. p. 2. Perorationem illam ad *Constantinum Imp.* quae incipit: *Sed omnia jam, sanctissime Imperator &c.* totam *Codex ignorat.* Atque haec sufficiant Lectori ad judicium de eo ferendum, quem *Sambucus* paene intactum reliquit, nisi fortasse ab ejus manu sint *Loca graeca* subpleta, et pauculae Animadversiones margini injectae, quae tamen non lectionem Textus, sed res a *Laetantio* dictas respiciunt. *Tetragraphos* subjectum Librarii est.

*Laetantius eloquio laetantius equore longo
Explicit instituens uera prophana uetans.
Hoc pelagus pennis superauit: iam tibi uirgo
Stella maria maris munera laudis ago.*

CCX. VIII C. 2

185 Codex membraneus lat. Sec. X. Folior. nunc 166. f. probe exaratus, notaeque melioris complectitur I. Johannis Archiep. Constantinop. dicti Chrysostomi, Scriptoris Sec. IV. Enarrationem in *Epistolam Pauli ad Hebreos* hoc

titulo litera quadrata: *In hoc Corpore continetur Commentarius Sandi Johannis Episcopi Constantinopolitani. In Epistolam ad Hebreos ex Notis (από σημειών) editum. Post eius Obitum a Constantino Presbitero Anthiocheno. Et translatum de Greco in Latinum. A Muciano Scolastico. Incipit Sermo*

Wien, Österreichische Nationalbibliothek (ÖNB), Cod. 742

Michael Denis: Codices Manuscripti Bibliothecae Palatinae Vindobonensis Latini Aliarumque Occidentis Linguarum. Vol. I. Pars I. Wien 1793.

655

C O D I C E S A

656

mo Primus Feliciter. Initium : *Multifarie et multis modis &c.* *Uere ubi abundauit delictum.* *superhabundauit et gratia &c.* Translationem hanc Seculo jam VI. factam *Cassiodoro* nos debere testatur locus ejus de *Div. Le<c>t. c. 8. Ad Hebraeos vero Epistolam*, quam *Sanctus Joannes Constantiopolitanus Episcopus Attico sermone tractauit*, *Mutianum virum disertissimum transferre fecimus in Latinum.* Post editiones complures extat in edit. *Montfaucon. Opp. Job. Chrys. T. XII. p. 5.* ad cuius T. Praef. circa ea, quae *Notas Chrysostomi, Constantinum Antiochenum et Mutianum spectant*, Lectorem remittimus. De posteriore videri et *Fabricius* in *Bibl. med. et inf. Lat.* potest. Codex noster, qui cum edito probe consentit, deficit in his Sermonis XI. verbis: *Scit enim cum crudelibus se habere (habitare).* Itaque plus quam *Sermones XXIII.* desiderantur.

II. fol. 58. sequitur charactere paullo vetustiore, rubricisque decoratus *Commentarius Hieronymi Stridonensis Scriptoris Sec. IV. in Epistolam Pauli ad Philemonem* absque titulo. Initium est: *Qui nolunt inter Epistolas Pauli eam recipere que ad philimonem scribitur &c.* Finis: *Et totiens crescit. quotiens auditus et lectus edificat.* Nihil abludit ab edito in *Opp. Hieronymi per Vallarsium T. VII. col. 741.*

III. fol. 73. p. 2. succedit continuo eodem cultu ejusdem Doctoris *Commentarius in Epistolam ad*

Galatas inscriptus: Incipit ad Galathas. Initium : *Pauci admodum Dies sunt quod epistolam pauli ad philimonem interpretatus ad galathas transcenderam &c.* Hinc liquet, Librarium nostrum temporis ordinem secutum fuisse. Ad calcem L. I. litera quadra legitur: *Finitus Explanationum. Tomus. I. Incipit Tomus Secundus.* et ad calcem L. II. *Finitus Explanationum Tomus. II. Incipit Tomus. IIIus.* Hic porro *Tomus* seu *Liber*, quod dolendum, integer non est, sed deficit in expositionis C. VI. v. 6. his verbis: *sed ei qui catezizat. id est non discipulo.* Extat Commentarius hic edit. *Vallars. T. VII. col. 367.* quocum collatum Exemplar nostrum sincerae lectionis est.

CCXI. VII. E. 23

Codex membraneus lat. Sec. 341 XV. Folior. 66. f. nitide exaratus, fronte picturata deaurataque *Matthiae Corvini Reg. Hung. Insignia ostentans*, e cuius Bibliotheca olim ad *Job. Fabrum Ep. Vienn.* devenit, ut *Nota* tam impressa, quam calci manu adscripta perhibet, hac gaudet inscriptione: *Incipit liber primus dialogi sandi Johannis chrysostomi constantinopolitanus episcopi et sancti basilii cesariensis episcopi college beatissimorum nazanzeni. qui intitulatur de dignitate sacerdotali.* Initium: *Michi quidem multi fuerunt amici &c.* Titulus in eo peccat, quod *Basilium* collocutorem non levi ἀναχεοντμω Caesariensem